

**Uunga siunnersuut: Uumasunik illersuineq pillugu Inatsisartut inatsisaata  
allanngortinnera pillugu Inatsisartut inatsisaat nr. xx, xx xxxx 2018-imeersoq**

**§ 1**

Uumasut illersorneqarnerat pillugu Landsting-p inatsisaata nr. 25-p 18. December 2003-meersumut makku allannguutaapput:

**1.** Aalajangersakkat *kapitali 1*-imi aammalu *2*-miittut atorunnaarsinneqarput taamaalilluni kapitali *1*-i *2*-lu ataatsimuulerlutik. Matuma kingorna kapitali *3*-*10*, kapitali *2*-*9*-ngorput.

**2.** Kapitali *1*-p qulequtaa imatut oqaasertalerneqarpoq:

“Uumasut illersorneqarnerat pillugu tamakkiisumik aalajangersakkat”

**3.** § *1* imatut oqaasertalerneqarpoq:

“Uumasut akisussaassusilimmik nakkutigineqassapput aammalu anniarnermut, naalliuuteqarnermut, ersinermut, anigorsinnaanngisamik ajoquteqalernermut annertuumillu akornuteqalersinnaanermut illersorneqassapput.”

**4.** § *3*-p kingorna § *3 a* imatut oqaasertalerlugu ivertinneqassaaq:

”Uumasunik atoqateqarneq imaluunniit kinguaassiuutinut tunngasunik iliuuseqarneq inerteqquataavoq taamaattoq takuuk Imm. *2*.

*Imm. 2.* Inerteqquateqarnermi Nakkutilliisoqarfimmiit nakorsaasersuineq pineqanngilaq, tamatumunnga ilanngullugit kinguaassioortitsineq uumasut misileraavigineri imaluunniit iliuutsit allat peqquteqarluni iliuuserineqartut.”

**5.** § *22* imatut oqaasertalerneqarpoq:

“Manna inatsit aammalu peqqussutit inatsimmut attuumassuteqartut Naalakkersuisunit nakkutigineqassapput.

*Imm. 2.* Uumasut nakorsaat, qimmeqarnermi oqartussaataaq imaluunniit kommunefogedi uumasunik naalliutsittisoqartoq nalunngikkunikku piaartumik Naalakkersuisut ataanni Nakkutilliisoqarfimmut nalunaarutigissavaat. Annikitsumik pisoqarnerani tamanna atuutinngilaq taamaattoq ajornartorsiut piaartumik aaqqiivigineqassaaq.

*Imm. 3.* Uumasut nakorsaat, qimmeqarnermi oqartussaasoq imaluunniit kommunefogedi qimmip ajutumeersimasup imaluunniit napparsimasup misissornerani piginnittumut qimmip toqunneqarnissaanik siunnersuisinnaapput qimmip ajorunnaarnissaa qularnarpat aammalu uumaannaruni naalliuttuarnissaa ilimagineqarpat. Uumasooq toqunneqanngippat uumasut nakorsaanit, qimmeqarnermi oqartussaatait imaluunniit kommunefogedemit Nakkutilliisoqarfimmut Naalakkersuisut ataaniittumut nalunaarutigineqassaaq.

*Imm. 4.* Uumasut nakorsaaata, qimmeqarnermut oqartussaatait imaluunniit kommunefogedip qimmimik piginnittoq Imm. *2* naapertorlugu toqutsinissamut akerliuppat

aammalu pisariaqanngitsumik qimmeq naalliuttariaqassappat piaartumik qimmimik toqutsisinnaapput § 23-mi toqutsinermi periuseq naapertorlugu takuuk § 22, imm. 3, 2.”

**6. § 23** imatut oqaasertalerneqarpoq:

“Umasoq illersorneqarsinnaangitsumik pissusilersorfigineqarpat piginnittoq Nakkutilliisoqarfimmiit paarsilluarnissaanik piумаaffigineqarsinnaavoq.

*Imm. 2.* Imm. 1 naapertorlugu peqqusineq naammassineqarsinnaangippat Nakkutilliisoqarfiup nakkutilliinissaq isumagissavaa aammalu uumasuutit allamut inississinnaallugit.

*Imm. 3.* Umasut nakorsaqaarfia inuussutissanullu oqartussaaffeqarfik (UNIO) piaartumik kingusinnerusukkulluunniit uumasuut tunineqassanersoq imaluunniit toqunneqassanersoq aalajangiisnaavoq matumani uumasuutip peqqissutsikkut inissisimanagera, piginnittup paarseqqissinnaanera kiisalu uumasuutip allamut inissinneqarnerani aningaasartuutit illersorneqarsinnaappata.

*Imm. 4.* Uumasuut napparsimappat imaluunniit katsorsarneqarsinnaangitsumik ajoqusersimappat UNIO toqutsinissamik piumasaqarsinnaavoq.

*Imm. 5.* § 6, nr. 4 naapertorlugu umasuutit paarinerlunneqarpata unio toqutsinissamik piumasaqarsinnaavoq.

*Imm. 6.* Piumasagaat allakkatigut naluinaarutigineqassaaq. Uumasuutilik oqaaseqarnissaminut periarfissaqartinneqassaaq.

*Imm. 7.* Imm. 6 atunngitsoorneqarsinnaavoq uumasuutip anniaannarnbissaa pinngitsoorniarlugu imaluunniit uumasunik piginnittoq naapinneq ajornarpat.”

**7. § 24** imatut oqaasertalerneqarpoq:

“§ 23, imm. 2 naapertorlugu periuseq malinneqarpat unio piaartumik toqutsisinnaavoq.

*Imm. 2.* Unio toqutsinissamat periarfissaqanngippat, umasut nakorsaat, qimmeqarnermi oqartussaataitaq, kommunefogedi imaluunniit Politiit toqutsinissamik kissaateqarfigineqarsinnaapput.”

**8. § 25** imatut oqaasertalerneqarpoq:

“Uumasuutip naalliuinnarnissaa pinaveersaarniarlugu toqutsisoqarnerani piginnittumut taarsiissuteqartoqassanngilaq aammalu suliap ingerlannera piginnittumut akiligassiissutigineqassaaq.

*Imm. 2.* § 23, imm. 3 naapertorlugu uumasuutinik allamut inissineq piginnittumut taarsiinermmik kinguneqassanngilaq. Nuussinermi aningaasartuutit piginnittumut akiligassanngortinneqarsinnaavoq.”

*Imm. 3.* § 23, imm. 1-5 naapertorlugu piumasaqarfigineqartup suliassaq eqqartuussivimmut ingerlassinnaavaa. Piumasagaat tamatumunnga tunngasoq ullut 14-t qaangiutsinnagit unio-mut nalunaarutigineqassaaq. Eqqartuussivimmut tunniussineq kinguartitsinermik kinguneqassanngilaq.”

**9. § 26** imatut oqaasertalerneqarpoq:

“Unio-p pisariaqarsoriguniuk akuersissummik peqqaarani uumasuutit maleruagassat naapertorlugit nakkutigineqarnersut alakkarsinnaavai.”

**10.** § 27 imatut oqaasertalerneqarpoq:

“Akiliisitsisoqassaaq:

- 1) § 1, §§ 3-5, § 7, § 8, imm. 1, § 9 aammalu § 11, imm. 1-mi aalajangersakkat unioqputinneqarpata,
- 2) § 13, imm. 1, §§ 14 og 15-mi toqutsinermut aammalu nakorsaanermut tunngasut sumiginarneqarpata,
- 3) § 17, 1., § 18 aammalu § 20-mi aalajangersakkaat uumasunik tuniniaanermut tunngasut unioqputinneqarpata,
- 4) § 8, imm. 2, § 11, stk. 2, aammalu § 17, 2. naapertorlugit akuersissuteqarnermi piumasaqaatinik sumiginnaanermi,
- 5) § 22, imm. 2, naapertorlugu nalunaaruteqartussaataaneq unioqputinneqarpat, imaluunniit
- 6) § 23, stk. 1-5 naapertorlugu piumasaqaat naammassisimanngikkaanni

*Imm. 2.* Uunga Inatsisartut inatsisissaannut piumasaqaatit akiliisitsinissamat tunngasut malittarisassiuunneqarsinnaapput.

*Imm. 3.* § 1, §§ 3-5, § 7, § 8, imm. 1, § 9, § 11, imm. 1, § 13, imm. 1, § 14, § 15, § 17, 1., § 18 aammalu § 20 annertuumik unioqputinneqartillugit imaluunniit arlaleriarluni unioqputitsinermi uumasuuteqaqqusaannginnermik pineqaatissiisoqarsinnaavoq aammalu ukioq ataaseq pallillugu anstalt-imiinnissamik pineqaatissiisoqarsinnaalluni.

*Imm. 4.* Uumasuuteqarsinnaannginnermik pineqaatissineq takuuk imm. 3 naassanngitsumut imaluunniit ukiumik 1-mik sivisussusilerlugu inissinneqarsinnaavoq. Inerteqqummik taamaattumik unioqputitsineq akiliisitsinermik imaluunniit ukioq 1-seq anstalt-imiinnermik kinguneqarsinnaavoq.

*Imm. 5.* Aktiaatilinnit, Piginneqatigiiffinnit allanilluunniit taamaaqataanit unioqputitsisoqarpat akiliisitsisoqarsinnaavoq. Naalagaaffik, Namminersorlutik Oqartussat, kommuunit imaluunniit kommuunini suleqatigiit unioqputitsippata akiliisinneqarsinnaapput.

*Imm. 6.* Unioqputitsinernut inatsimmut matumunnga attuumassuteqartunut akiliisitsinerit aammalu § 23, imm. 3 naapertorlugu tuniniaaqqinnermi isertitat, nunap karsianut nakkartinneqassapput.”

**11.** Inatsimmi ”Landstyre-mik” allassimasut tamarmik ”Naalakkersuisut”-mik allanneqassapput aammalu ”Landstingsloven”-imik allaqqasut tamarmik ”Inatsartutloven”-imik tamarmik allanneqassallutik”.

## § 2

Inatsisartutloven atuutilissaaq ulloq 1. Juli 2018.

*Namminersorlutik oqartussat, ulloq xx. xxxx 2018*

Kim Kielsen